

Kalaallit Nunaata Kitaani Nuna allanngutsaaliugaq nutaaq – Isummat pingaaruteqarpoq!



Kommune Qeqertalik, Qeqqata Kommunian
aamma Naalakkersuisut nunamik
allanngutsaaliukkamik pilersitseqatigiikkusupput.
Illit qanoq allannguisinnaanerlutit uani
paasisaqarfigiuk.

Qeqqata Kommunia aamma Kommune Qeqertalik kissaateqarput nunamik allanngutsaaliukkamik nunatta kitaani pilersitsinissamik. Taamaattumik kommunit taakku Namminersorlutik Oqartussat suleqatigalugit nunatta kitaani nunamik allanngutsaaliugassamik siunnersuusiornikuupput. Nuna allanngutsaaliugaq siullersaalluni Nunatsinnit nammineq ineriartortitaq - pinngortitamik illersuineq aamma pinngortitamik ileqquusumik atuinneqarnissaa pingaartillugu.

Nunap allanngutsaaliukkap siunertaa

Qeqqata Kommunia aamma Kommune Qeqertalik Kalaallit Nunaata Kitaani nuna allanngutsaaliugaq kissaatigaat pinngortitami naleqartitat illersorniarlugit, pinngortitap ileqquusumik atorineqarnissaa qulakkeerniarlugu aamma piujuartinneqarsinnaasumik innuttaasunut iluaqutaasumik takornariartitsisarnissamut najoqqutassat pilersinniarlugit.

Nunap allanngutsaaliukkap sumiiffia uumasooqarpoq aamma uumasooqatigiit ataqatigiiaarfeqarput qaqutigooortunik mianernartunillu, kisianni illersorneqarneri pinngortitamik ileqquusumik atuinermut kattunneqartariaqarpoq, tassunga ilanngullugu aalisarnek, piniarnek, paarnanik nunianneq, sukisaarsarneq il.il.

Sooq nuna allanngutsaaliugaq?

- ✓ Pinngortitami naleqartitat aamma uumasooqatigiit assigiinngiiaarnerat illersorniarlugu.
- ✓ Pinngortitap ileqquusumik atorineqaannarnissaa qulakkeerniarlugu.
- ✓ Najukkami ineriartornermut aamma takornariaqarnermut periarfissanik pilersitsineq.




Nuna allanngutsaaliugaq ilisarnaataavoq sakkortoq, takornarissanik aamma najukkami ineriartortitsinermut pilerinarsaasinnaasoq. Kommunit takornariaqartitsinerup ineriartortinnissaa pingaartissinnaavaat, taamaalilluni najukkami kissaatinut pisariaqartitanullu naleqqussinnaalluni. Ilutigalugu kommunit pinngortitaq ileqqugullu kinguaariinnut tulluuttunt attatiinnarneqarsinnaanissaat qulakkeersinnaavaat.

Tamanna ilinnut qanoq isumaqarpa?


- 📄 Tusarniaanermi allagaatit uani takukkit: [\[Link\]](#)
- 🗣️ Massakut isummavit tusartinnissaanut periarfissaqarputit!
- 📅 Piffissaq tusarniaaffiusoq: 17. december 2025-imiit 3. marts 2026-imut
- 📧 Oqaaseqaatissatit Pinngortitamut Avatangiisinullu Naalakkersuisoqarfimmut nassiutikkit, una aqqutigalugu: pan@nanoq.gl

***Iliuuseqarnerit allannguisinnaavoq.
Siunissami nunap allanngutsaaliukkap
ilusilernissaanut peqataagit!***

Kalaallit Nunaata Kitaani nuna allanngutsaaliorneqartussaag: Uaniissaaq!



Piffimmi suli angalaarsinnaavutit,
piniariarlutit, aalisariarlutit,
nuniagiariarlutit il.il.



Najukkami inuiaqatigiinnut iluaqutissat: Nuna allanngutsaaliugaq ilaatigut ...

- Pinngortitami sumiiffik immikkuullarissaq inuit aamma pinngortitallu ataatsimut ukiuni untritilinni inooqatigiiffigisinnaasaat pineqartoq takutiguk.
- Ileqquusumik atuineq immikkoortup aqunneqarneranut ilaatinneqarsinnaasq takutiguk. Taamaaliornikkut kinguaariit tulliuttut pinngortitamik aamma tulluusimaaruteqarsinnaanerak pinngortitallu tunniussinnaasaanik iluanaarutiginnissinnaanerak qulakkiissavarput.
- Nunap allanngutsaaliukkap aqunneqarneranik innuttaasut atuuffilerneqassapput kommunit oqaloqatigiinneri aqqutigalugit aamma piffimmi uumasunik aamma kulturikkut pinngortitamilu naleqartitanut aarlerinartunik nakkutiginninnikkut.
- Immikkoortoq nunanit tamalaanit eqqumaffigineqarneruler-tinneqassaaq, tamannalu najukkami aningaasaqarnermut ikorfartuutaassaaq aningaasaliinerit pitsaanerusumillu takornariartitsinerit aqqutigalugit.

Isummat
pingaaruteqarpoq -
piffimmi tassanilu
isumalluutit
atorneqarnerisa
illersorneqarneri qanoq
oqimaaqatigiitsissinnaa-
varput?



Paasissutissat oqaaseqaatillu

? Nuna allanngutsaaliugaq pillugu oqaaseqaat – ✓ Aajuku paasissutissat aamma suut eqqortuunersut!

✗ Oqaaseqaat 1: Nuna orninneqaqqusaajunnaarpoq ...

✓ **Paasissutissat: Pinngortitami tamarmi suli angalaartoqarsinnaavoq.**

Piffinni mikisuni aalajangersimasunilu aamma piffissani sivikinnerusuni iliuuseqartoqassaaq, ukua illersorniarlugit:

- Qasigissat nungutaanissaminnut aarlerinartorsiortut piaqqiorfii (Piffik A)
- Nunatta nerlerisa upernaakkut eqqissisimaarfii (Piffik B)
- Qeerlutuut isasarfii (Piffik C)
- Tuttut piaqqiorfiat (Piffik D)

✗ Oqaaseqaat 2: Piniariartoqaqqusaanngilaq, aalisartoqaqqusaanngilaq imaluunniit nuniattoqaqqusaanngilaq ...

✓ **Paasissutissat: Pinngortitami suli angalaarsinnaavutit, piniariarlutit, aalisariarlutit, nuniagiarlutit il.il.**



✗ Oqaaseqaat 3: Ullut tamaasa tupeq nuunneqassaaq ...

✓ **Paasissutissat: Nunami allanngutsaaliorneqalersussami sumiiffimmi unnuinerit amerlassusissaat killilersorneqanngilaq.** Taamaattoq neriuisoqarnissaanut aarlerinaat eqqumaffigineqassaaq aamma tupeq nuunneqassaaq nuna ajoquserneqarsinnaappat.





✗ Oqaaseqaat 4: Nunani tamalaani suliniaqatigiiffiit aalajangersaaffigaat pinngortitami susinnaanersugut...


✓ **Paasissutissat: Kalaallit Nunaanni nunami allanngutsaaliukkami Pinngortitap qanoq aqunneqarnissaa nammineerluta aalajangissavarput.**

Kommunit siunissami nunap allanngutsaaliukkap aqunneqarnissaata ineriartortinnissaanut peqataatinneqarput. Tassani kalaallit pinngortitamut isiginnittariaasiat tunngavigalugu pinngortitamik illersuineq atuinerlu oqimaaqatigiitsinneqarpoq.

✗ Oqaaseqaat 5: Kommunit ilisimatissavagut imaluunniit akuersissuteqassaagut nunamut allanngutsaaliukkamut angalaarnissaq kissaatigigutsigu...

✓ **Paasissutissat: Piffik pisarnertut orninneqarsinnaavoq arlaannut ilisimatitsinngikkaluarluni.**

Taamaattoq innersuussutigaarput isumannaallisaaneq pissutigalugu ilaquuttat ikinngutilluunniit sumunnarnerluni aamma qaqugu uternissap ilimaginera pillugu ilisimatinneqartassasut.



?



✗ Oqaaseqaat 6: Piumasaqartoqarnikuunngilaq aamma nuna allanngutsaaliugaq piumaneqarnikuunngilaq...

✓ **Paasissutissat: Kommunit nuna allanngutsaaliugaq kissaatigaat** najukkami ineriartortitsineq pilersinniarlugu, ilutigalugulu innuttaasut pinngortitamik ileqquusumik atuinerat ingerlatiinnarniarlugu piffissami takornarissat amerliartorfianni. **Aammattaq sumiiffinni innuttaasut amerlasuut siunnersuut tapersersorpaat**, pingaartumik pilersitsiniarnermi siunertaasut paasilluaraangamikkit.

✗ Oqaaseqaat 7: Pinngortitaq takornariarpassuarnik orninneqartarpoq, taakkualu pinngortitap ileqquusumik aqunneqarneranut akornutaalissapput...

✓ **Paasissutissat:** Kommunit taamaallaat Nunap allanngutsaaliukkap ilaani annikinnerusumik takornariaqarnermut inerisaanissaq kissaatigaat. Nunap allanngutsaaliukkap annerpaani kommunit inuussutissarsiutigalugu takornariartitsisarnerup annikillisinnissaanik kissaateqarlutik suliniuteqarput - innuttaasut qanimut suleqatigalugit.



✗ Oqaaseqaat 8: Namminersorlutik Oqartussat aamma kommunit innuttaasunik peqataatitsinngillat...

✓ **Paasissutissat:** Ilaannikkut pitsaanerusumik ingerlatsisinnaassaagut!

Kommunini (2022, 2023, 2024 aamma 2025-mi) arlaleriarluni innuttaasunik ataatsimiititsisoqarpoq, **aamma kommunit najukkamilu aalisartut piniartullu peqatigiiffii** nunami allanngutsaaliukkami najukkami soqutigisat pillugit ilisimasanik tunniusseqataapput. **Nunatta kitaani nunami allanngutsaaliukkami ilisimasat ilanngunneqassapput.**

Nuna allanngutsaaliugaq pilersinneqarpat, eqqarsaatigineqarpoq, **innuttaasut najukkami ilisimasanik aamma pinngortitami nakkutiginninnernik ikorfartuisinnaasut** kommunit aqqutigalugit, taamaalilluta nunap eqqissisimatitap oqimaaqatigiittumik illersorneqarnissaa aamma atorineqarnissaa ataatsimoorluta qulakkiissavarput.





**Tusarfigerusulluinnarpatsigit!
Isummat pingaaruteqarpoq.**

Kalaallit Nunaata Kitaani nuna allanngutsaaliugaq
pillugu oqaaseqaatissatit pan@nanoq.gl
aqqutigalugu Pinngortitamut Avatangiisinullu
Naalakkersuisoqarfimmut nassiutissavatit

Assit:

Carsten Egevang, Martin Schiøtz, John Kjaer, Visit
Greenland - Aningaaq R. Karlsen, Freeborne Media